

# Ho utullutswe polante e sa ngodiswang e hlahisang kwae

**Tshwane, 17 Loetse 2021** – Ho utullutswe polante e sa ngodiswang e hlahisang dihlahiswa tsa kwae tse kang *molasses* / *shisha* ka nako ya letsholo la ho phenya le kgapo le neng le etsahala mane Gauteng.

Letsholo lena la mautlwela le ne le etswa ke Ditshebeletso tsa Lekgetho tsa Afrika Borwa (SARS) ka sehlopha sa sona se bitswang *National Rapid Response Team* (NRRT) mmoho le Yuniti ya tsona e lwantshanang le kgwebisano e seng molaong, ka tshehetso ya Ditshebeletso tsa Sepolesa sa Afrika Borwa mmoho le Lefapha la Sepolesa sa Johannesburg Metropolitan.

Polante ena e amana le laesense e itseng ya mohlahisi wa disakarete ka lebaka la mofuta wa dihlahiswa tsa kwae tse fumanweng mapatlolong ao. Polante ena ya tlhahiso mmoho le metjhini yohle ya yona le dimolase (*molasses*) e ile ya hapuwa hore ho tle ho etswe diphuputso tse ding ho latela melao ya lekgetho le ya bolaodi ba meedi.

Sehlopa sena sa phethahatso sa diakgente tse ngata se bile sa etsa phenyo le kgapo e nngwe dishopong tse ding tse tharo mane Fordsburg, ka tsepamiso ya maikutlo hodima thekiso e seng molaong ya dihlahiswa tsa kwae. Sehlopha sena se fumane dikartone tsa dimolase tse seng molaong tse 1337 mmoho le disakarete tse seng molaong tsa boleng bo ka bang R400 000.

Dithoto tsena di ile tsa hapuwa le ho tloswa ho sa ntse ho emetswe ditokomane tse ka supang thomelohare / theko ya lehae, nnetefatso ya bokaalo mmoho le diphuputso tse ding tsa hore na makgetho a nepahetseng a ile a leshwa SARS na.

Ka nako ya letsholo lena, mongashopo wa e nngwe ya dishopo tse hlwailweng o ile a leka ho neha e mong wa bahlanka ba SARS tjo tjjo ya tjhelete e kana ka R30 000 "hore nyewe ena e nyamele". Ho ile ha bulwa nyewe ya ho leka ho fana ka tjo tjjo mane SAPS mme motho enwa o ile a tshwarwa.

Letsholong le leng, SARS NRRT e ile ya hlahloba khonteina ya boholo ba 40ft ho e nngwe ya di-depo tse nang le laesense mane City Deep. Moqeqeko ona o ile wa tsebiswa e le dikarete tsa ho bapala tse tswang mane China ho tla mona Afrika Borwa ka boemakepe ba Durban ho tla mona City Deep.

Hlahlobo ena e ile ya utulla khonteina e neng e tletse diaparo tse fapaneng tsa boleng ba bolaodi ba meedi ba tjhelete e kana ka R550 000.00 empa di tsebahaditswe ka mokgwa o leshano wa hore ke dikarete tsa ho bapala. Diaparo tsena di ile tsa hapuwa mme ho ntse ho etswa diphuputso tse ding mme ho butswa nyewe ya bonokwane le SAPS e mabapi le ho mokola le boqhekanyetsi.

Khomishenara ya SARS Edward Kieswetter o boletse hore mokgatlo o sebetsa ka thata ho thafalletsa le ho etsa hore ditjeo e be tse hodimo bakeng sa balefalekgetho le bahwebi ba sa ikobeleng boitlamo ba bona ba tefo ya lekgetho. O boletse hore ho se ikobele ho jwalo, le kgwebo ka dithoto tse seng molaong mooho le diketso tsa

bonokwane di senya ikonomi mme di bake tahlehelo ya mesebetsi, ho se lekane le bofuma.

“Hwa bohlokwahadi mona ke hore diketsahalo tse di fokotsa lekgetho leo SARS e le bokellang ho thusa mmuso ho fana ka ditshebeletso tsa motheo ho bafumanehi le ba kotsing ya ho utlwiswa bohloko, tse kang dipenshene tsa botsofadi, dikolo, ditleliniki le ho atolosa lenaneo la kento ka sepheo sa ho tobana le sewa sa Covid 19.

“Re tla dula re lomahantse meno le ho hloka mamello ditabeng tse mabapi le kgwebisano e seng molaong ya sehlahiswa sefe kapa sefe hobane seo ke ho latela seo re lokelang ho se etsa ka lebaka la thomo ya rona ya molao” ho rialo Mong. Kieswetter.

KE PHETHO

Ho fumana lesedi le fetang lena, ikopanye le [SarsMedia@sars.gov.za](mailto:SarsMedia@sars.gov.za)